

Kurdistan irakiarrerako autonomi akordio onuragarria iragarri dute

Kirkukeko petrolioa kurduentzat izango dela dio Barzani buruzagiak

Buruzagi kurduak Bagdad-ekin lortzeko gertu dauden akordioaren berri eman dute Irbil hirian, Kurdistan irakiarrean. Saddam Hussein-en erregimenarekin negoziatzen egon diren ordezkarien arabera, aukera handiak daude autonomia akordioa laster sinatzeko. Azken berrien arabera, bestalde, indar aliatuak Kurdistanen luzaro geratuko direla dirudi.

DONOSTIA

Massud Barzani lider kurduaren arabera, autonomia akordioak izango dituen puntuetan kurduentzako nahiko neurri onuragarriak daude, hala nola, petrolio salmentaren irabaziaz kurduentzat izango direla, amnistia orokorra emango dela, edota hauteskunde askeak egongo direla. Barzanik, Kurdistaneko Alderdi Demokratikoko (PDK) buruzagiak, adierazi duenez, zazpi puntuko aurreakordioa lortu dute jadanik Bagdadekin:

1.— Kurdistan eskualde autonomoa Irakeko parte izango da.

2.— Kurdistaneko Legebiltzar autonomorako hauteskundeak hiru hilabeteko epean egingo dira. Legebiltzar nazionalekoak —Bagdadekoa— sei hilabete eta urtebete arteko epean egingo dira.



Errepresioaren aztarnak daramatza mutiko kurdu honek aurpegian. Y. BEHRAKIS

✓ Massud Barzaniren arabera, indemnizazioak ordainduko ditu Gobernuak 1988 eta 1991ko errepre-
sioan suntsitutako hiri kurduengatik.

3.— Preso politiko kurdu guztiei amnistia emango die Irakeko Gobernuak. Indemnizazioa ordainduko du Gobernuak gerran suntsitutako hiri kurduak konpontzeko. 1988ko errepre-
sioan gasez eraso egindako hiriengatik ere indemnizazioak emango dira.

4.— Kirkuk eskualdeko petrolioaren laurden bat, nazioarteko defentsa eta polizia indarra finantza-

tzeko erabiliko da. Gainerako petrolio irabaziaz kurduentzat lirateke.

5.— Informazioa askatasuna bermatuko da. Gaur egun pirata eran mendi-tatik egiten diren irrati eta telebista emanaldiak baimenduko dituzte.

6.— Gaur egun Baaz alderdiak —boterean dagoena, legal bakarra— barne segurtasun gaietan duen kompetentzia eskusiboa banatuko da.

7.— Legebiltzar edo ganbaretaordezkaritza biztanlegoaren arabera izango da, proportzionalki.

KIRKUK ETA PETROLIOA Puntu hauetarik, lau-garrena izan daiteke garrantzitsua. Mas-sud Barzanik jakin erazi duena bene-tan gertatuko balitz, Kirkuk hiria Kurdistan autonomoan integratuko litzateke. Kurdistaneko hiri garrantzitsua da Kirkuk, baina Bagdaden politika demografiko diskrimina-tzailearen ondorioz, arabiarrek na-gusitzen joan dira bertan kurduen gainetik. Bestetik, petrolioaren eteki-nak nazioarteko indarra ordaintzeko erabiliko dela segurtatuz gero, indar aliatuak Irak iparraldean geratuko direlako frogatzen dira. Kurduak, hain zuzen ere, hori eskatzen zuten, au-tonomi akordioarentzat garrantzia, eta Armada irakiarraren kontraerasorik ez izatea.

Ostera, oso zaila izango da petrolio irabazi guztiak kurduentzat izate, Barzanik antza iragarri duenez. Kirkuk inguruan eta Kurdistaneko beste petrolio lurraldeetan Irakeko produkzioaren heren bat dago. Ku-wait berak baino produkzioa handia-go gerra baino lehenago. Etekin horiek halabeharrez behar ditu orain Bagdadek, suntsitutako estatuaren azpiegitura jasotzeko eta gerra or-dainei aurre egiteko.

Bitartean, Estatu Batuak eta alia-tuak Irakerako ekintza azkarrerako indar bat eratzen ari dira.

Colombiako bake
elkarrizketak
suetenik gabe
amaitu dira

CARACAS

Colombiako Gobernuak eta Simon Bolivar Gerrilari Koor-dinadorak (CNGSB) atzo amaitu zuten Venezuelako ha-sitako bake biderako elkarriz-
keten bigarren txanda. Elkar-rizketa hauetan, ordea, ez zuten sueten hitzarmenik si-natu, nahiz eta hori izan ekai-naren 6an hasitako negozia-
ketaren punturik nagusia.

Joan zen ostegunean ekin zioten negoziaketaren biga-rren txandari, baina biolentzia amaitzeko bi aldeek proposa-tzen dituzten baldintzak oso kontra-jarriak ziren, eta ondo-
rioz negoziaketak huts egin zuten. Bejaranok ordezkatu zuen Colombiako Gobernuak. Gobernuak ordezkaria ukatu egin zen alde bietako suetena uztailearen hasieratik onartze-ra, akordio zehatzik gabe, CNGBSk eskatu zuen bezala.

FSLN eta Contrako buruzagiek beren jarraitzaileei armak uzteko eskatu diete


MANAGUA

Daniel Ortega, Nicaraguako lehendakari ohia eta Fronte Sandinistako (FSLN) buruzagia eta Israel Galeano 'Franklin', desagertutako kontra taldeko buruzagia herenegun bildu ziren eta erabaki zuten beren jendeari armak uzteko agindua ematea.

Bi buruzagien erabaki hau 1990eko otsailaren 25eko hautes-kundeen ondoren FSLN eta kontra bildu ziren lehenengo bileran hartu zen. Ortega eta Galeanoren arteko hitzarmena, Nicaraguako Gobernu Segurtasun Komisioko eta Laguntza eta Egiztatze Nazioarteko Komisioko ordezkarien eta Miguel Obando y Bravo Kardenalaren aurrean sinatu zen.

Ia hamar urte gerran egon ziren bi erakundeek batzorde bat eratu zuten atzo, nekazari sandinistek deialdi bat egiteko. Idatzi honetan kooperati-betan bilduta eta armaturik dauden sandinistek eskatzen zaie fusilak Estatu osoan dauden Segurtasun batzordeei ematea.

Desagertutako kontra mugimen-



Israel Galeano, 'Comandante Franklin', Daniel Ortega sandinistarekin. M. SOLIS

duko buruzagiek ere, «segurtasuna mantentzeko armaturik dauden» 'contrei' eskatuko diete beren armak Segurtasun batzordekoei entregatzea.

Aurten dagoeneko 110 lagun hil dira lurren jabetza lortzeko borroke-

tan. Kalkulu batzuen arabera, Nica-raguan 100.000tik goi arma daude zibilen esku. Desarmeak lurren bo-rroka-ekin amaitzen lagunduko du, lurren jabetzari buruzko Legebil-tzarreko eztabaida ere kontutan har-tuz.

LABURREAN

MADAGASKARreko oposizioak jarritako epea gaur bete da

Madagaskarreko Gobernuaren oposizioak taldeek gaurko eguna jarri zuten epe bezala Didier Ratsirakaren Gobernuak Konstituzioaren aldaketa egiteko, bestela mobilizazio deialdi berriak egingo dituzte Madagaskarreko giro ezegonkorra okerragotuz. Ratsiraka 1975etik dago agintzen, eta politika «komunista» gogorra ezarri du geroztik. Oposizioak jarritako epea duela 30 urte Estatu hauk Frantziatik bereiztu zen egun berbera da.

Aik Libian ez direla giza eskubideak errespetatzen salatu du

Libian giza eskubideen babesa zeharo ahuldu dela salatu du Amnesty International-ak (AI). «Ehundaka preso espetxeratu dituzte azken urteotan, eta hauen artean kontzientzi presoak daude. Atxiloteta arbitrarioak eta sekretuak egiten jarraitzen da eta legediak ez du hori aldatu». Airen azken informean ageri denez, Libian oraindik 450 preso politiko daude eta horietatik gutxienez bost kontzientzi presoak dira.

FILIPINETako Armada eta gerrilaren arteko borrokak

Hemezortzi lagun hil dira gutxienez, Armada filipinar eta gerrila komunistaren arteko borroketan, Filipinetako Bacolod eta Hego Surigao irletan. Gerrila eta Armadaren arteko aurrez aurreko enfrontamenduetan Herriko Armada Berria talde gerrilario hamairu kide hil dira, lau zibil eta Filipinetako Armadaren soldadu bat. 19.000 inguru gerrilari komunista daude artxipielago osoan zabalduak eta 1969tik aurrera Filipinetan Estatu marxista ezarri nahi dute.

«KULTURA anitzeko» irakaskuntza New Yorken

New York Estatu Hezkuntz Sailak irakasle batzuri egitea agindutako «kultura anitzeko» irakaskuntzari buruzko informeak hezkuntza moeta honi buruzko eztabaida piztu du EEBBko gizartearen. Informe honen arabera, terminologia aldaketa ugari egongo lirateke zenbait gaietan.